

PANDUAN ASAS MENINGKATKAN KEUNTUNGAN DALAM PASARAN SAHAM

Oleh: Khairul Arifin Selamat

Kandungan

SEGALANYA BERMULA DENGAN ESOS.....	3
PANDUAN ASAS MENINGKATKAN KEUNTUNGAN	
DALAM PASARAN SAHAM.....	7
Kenalpasti arah pergerakan keseluruhan pasaran saham.....	7
Kenalpasti saham-saham yang berpotensi.....	8
Kenalpasti harga beli saham atau breakout point.....	9
Tetapkan risiko (kerugian) yang sanggup anda terima.....	10
Jual saham untuk mendapatkan keuntungan.....	11
KAEDAH SISTEMATIK MELABUR DALAM PASARAN SAHAM.....	12

SEGALANYA BERMULA DENGAN ESOS...

Tujuan ebook percuma ini hanyalah satu, iaitu untuk membuka mata anda tentang potensi pasaran saham. Selama ini, orang asyik kata yang pasaran saham adalah tempat orang untuk berjudi. Mana tidaknya. Anda cuma perlu pilih sahaja saham apa pun (sama macam main dart) berdasarkan 'TIPS PANAS' dan kemudian jual bila saham itu naik 5 atau 6 sen. Kalau saham itu jatuh, pegang sampai ia naik balik. Tak kisahlah sampai bila pun. Lama-lama saham itu naik balik, kata hati kecil anda. Tak perlu belajar cara-cara untuk berurusniaga saham sebab saham ini bukannya boleh confirm dapat duit sepanjang masa. Orang kaya saja yang main saham ni. Orang macam kita ini cuma tunggu tips-tips panas baru boleh main saham.

Saya mula tahu pasal saham apabila syarikat tempat saya bekerja, Telekom Malaysia (TM), memberikan saham syarikat dengan harga diskaun kepada pekerja-pekerjanya, dalam skim yang dikenali sebagai Employee Share Option Scheme (ESOS) pada 2003. Pekerja boleh membeli saham TM dengan harga diskaun daripada harga pasaran semasa. Selepas segala urusan berkenaan broker selesai, saya jual beransur-ansur ESOS TM. Jual bila ada orang kata saham TM patut dijual dan tunggu bila orang lain kata tunggu. Selalunya saya jual bila kawan-kawan saya lain pun turut jual. Tiada langsung kaji selidik tentang keadaan saham TM atau pasaran saham. Apa yang bagusnya dengan ESOS ini, pada masa itu, harga saham TM tidak pernah jatuh atau sentuh harga tawaran ESOS yang saya beli. Jadi, segala-galanya dijual dalam keadaan untung. Jadi saya kata pada diri yang main saham ni bukannya susah sangat. Sebab ramai kata yang kita cuma beli saham-saham harga rendah dan jual bila saham itu naik. Kalau saham jatuh, jadilah kita sebagai *long term investor*. Tapi yang peliknya orang yang kata begitu tidak pula kaya-raya main saham. Dan yang peliknya lagi, dalam hal-hal lain dia begitu pandai dan '*expert*' tapi dalam saham boleh pulak dia main tembak-tembak je. Pelik bin ajaib?? Tak nampak pula dia sendiri bersungguh-sungguh buat apa yang dia cakap pasal saham ini. Tapi masa itu, saya tidak pun terfikir pasal kelayakan orang yang beri maklumat pasal saham. Pada masa itu, nampak macam mudah je main saham ini.

Sejak daripada mendapat ESOS, minat pasal saham bertambah dan saya mula belajar serba sedikit berkenaan saham. Asalnya, saya sudah mula terfikir untuk tambah pendapatan dari sumber lain selain bekerja makan gaji. Tahun 2003, merupakan tahun saya berumahtangga dan tidak lama selepas itu, dalam bulan Jun 2004, saya mendapat anak sulung. Jadi bertambah rasa bebanan untuk mencari duit lebih buat menampung keluarga yang bertambah. Tapi, syarat pendapatan tambahan yang saya cari adalah pendapatan yang saya boleh buat sendiri tanpa bantuan orang lain dan dengan

modal yang paling minima. Salah satu sebabnya, kerana saya masih sayangkan kerja saya dan tidak mahu kerja sekarang terjejas dengan kerja-kerja sampingan lain. Main saham sudah pasti masuk dalam kategori '*one man show*'. Dengan hanya duduk office, bila tak ada kerja, boleh juga tengok-tengok saham dan beli mana-mana saham yang menarik. Jadi, apa salahnya mencuba dulu kemudian baru tahu boleh buat ke tidak. Tetapi masalah besarnya, saya terlalu asing dalam bidang saham. Degree saya hanya dalam electronic engineer. Beza macam langit dengan bumi kelayakan saya dengan aspek kewangan. Apa-apa hal pun, saya cuba juga mencari maklumat dalam internet berkenaan saham dan belajar selok-belok saham secara sendirian.

Peringkat awalnya, maklumat berkenaan pelaburan saya pelajari dapat melalui internet. Sehingga akhirnya saya terbaca satu review tentang *ranking* beberapa kaedah-kaedah melabur dalam website Investopedia.com. Salah satu kaedah melabur yang menarik perhatian saya adalah kaedah CANSLIM oleh William J. O'Neil. Apa yang menarik tentang kaedah CANSLIM adalah, kebanyakan kaedah-kaedahnya bertentangan dengan apa yang selama ini saya baca atau dengar daripada internet atau daripada orang lain, terutamanya berkenaan dengan falsafah pelaburan. Yang peliknya, saya mudah faham dan mudah terima kaedah dan falsafah itu berbanding kaedah-kaedah melabur yang lain. Jadi saya rasa, dengan logik mudah, mungkin ada kesesuaian atau keserasian kaedah ini dengan keadaan saya. Saya terus mencari buku *How to Make Money in Stock* yang dikarang oleh William J O'Neil. Buku itu merupakan buku pertama yang saya beli tentang pelaburan. Dengan berbekalkan kamus bahasa English – Melayu (saya masih merangkak-rangkak baca buku English masa itu), saya baca buku itu 3 kali hingga saya faham kaedah O'Neil. Tselain itu, saya dapatkan lagi bacaan lanjut buku-buku karangan dan saranan O'Neil seperti:

1. How to Make Money in Stocks by William J. O'Neil
2. The Successful Investor by William J. O'Neil
3. 24 Essential Lessons for Investment Success by William J. O'Neil
4. How Legendary Traders Made Millions by John Boik
5. The Battle for Investment Survival by Gerald Loeb
6. Baruch Baruch: My Own Story by Baruch Baruch
7. Reminiscences of a Stock Operator by Edwin Lefèvre
8. How To Trade In Stocks by Jesse Livermore
9. How I Made 2,000,000 in the Stock Market by Nicolas Darvas
10. One Up on Wall Street by Peter Lynch

Yang peliknya, falsafah pelaburan yang dipelopori Jesse Livermore pada awal kurun ke-20 masih lagi digunakan hingga sekarang dan banyak diterangkan dalam buku-buku di atas. Falsafah pelaburan Livermore itulah yang ditekankan oleh O'Neil dalam bukunya *How to Make Money in Stock*.

Bermula awal 2006, saya mula menjualbeli saham secara langsung. Saham pertama yang saya beli berdasarkan kaedah O'Neil adalah TOPGLOV. Saya gunakan semua duit bonus (yang tidak seberapa) yang saya dapat untuk beli saham TOPGLOV. Dalam masa 3 bulan saya dapat keuntungan 22%. Keuntungan pertama dalam cubaan pertama jual beli dalam pasaran saham. Boleh tahan! Simpan dalam bank atau melabur dalam unit trust pun tak boleh dapat untung sebegini banyak dalam tempoh 3 bulan.

Kemudian, saya beli saham IOIPROP, PPBOIL, KOSSAN dan KNM. IOIPROP dan KOSSAN rugi dalam lingkungan 3% hingga 4%. PPBOIL pula dijual dengan keuntungan 15%. Tapi yang paling menakjubkan, keuntungan bersih KNM adalah 90%. Keuntungan terbesar sejak saya mula terlibat dalam bidang saham.

Tapi saya masih tidak berpuashati lagi dengan kaedah O'Neil, Livermore dan yang lain-lain. Saya rasa masih ada lagi yang kurang. Keadaan pasaran Malaysia macam ada sedikit kelainan dengan pasaran saham US. Berbekalkan keuntungan yang diperolehi, saya bereksperimen. Bereksperimen dengan duit sendiri dan bukan dengan account demo.

Satu hal yang pasti, bila kita guna account demo untuk jual beli saham, kita tidak merasai bagaimana perasaannya apabila duit yang kita simpan bertahun-tahun digunakan untuk beli saham. Kita mengambil risiko yang duit kita akan hilang atau kerugian bila kita melabur. Hanya dengan cara itu, penghayatan falsafah pelaburan yang diterangkan oleh O'Neil, Livermore dan lain-lain akan jadi lebih terkesan.

Tapi, untuk guna duit sendiri, anda perlu terlebih dahulu ada keyakinan mendalam dalam teknik yang akan digunakan untuk jual beli saham. Jangan terus beli saham bila anda tiada langsung pelan atau cara bagaimana nak beli atau jual saham. **JANGAN SEKALI-KALI TERJUN KE PASARAN TANPA APA-APA PERANCANGAN!**

Macam juga kita nak masuk kolam renang. Kena rasa-rasa dulu kedalaman kolam yang nak kita

masuk. Dalam ke cetek. Sejuk ke panas. Kemudian baru masuk kaki dulu, kemudian badan dan kemudian kepala. Perincian tentang kaedah pelaburan yang berkesan ada diterangkan dalam ebook saya.

Itulah serba sedikit tentang latarbelakang atau sejarah bagaimana saya mula berurusniaga dalam pasaran saham. Bermula daripada sini, saya akan dedahkan tips-tips dan point-point penting yang pasti dapat meningkatkan lagi keuntungan anda dalam pasaran saham jika diamalkan secara berterusan.

PANDUAN ASAS MENINGKATKAN KEUNTUNGAN DALAM PASARAN SAHAM

Bermula dari sini, saya akan anggap yang anda telah biasa dengan jenis-jenis carta saham (*stock chart*), samaada jenis *candlestick*, *bar*, atau *line chart*. Jika anda masih baru dalam pasaran saham, anda boleh beli buku *How to Make Money in Stock* yang dikarang oleh William J O'Neil atau pergi ke laman website Stockcharts.com untuk mempelajari jenis-jenis carta yang boleh digunakan untuk menganalisa saham.

Sebelum kita terus kepada langkah-langkah melabur secara sistematik, perlu ditekan di sini, emosi dan perasaan kena diasingkan dalam setiap keputusan beli atau jual saham. Emosi dan perasaan yang timbul setiap kali kita jalankan urusan jual beli saham tidak dapat langsung bantu tentukan keuntungan dalam saham. Pasaran tak kenal apa itu harapan dan apa itu tamak. Yang pentingnya, apa yang sedang pasaran buat dan kemudian tindakan kita berdasarkan apa yang pasaran sedang buat. ITU SAHAJA!

Jadi, seperti yang saya cakap sebelum ini, untuk belajar mengatasi perasaan-perasaan atau emosi-emosi negatif, latihan yang baik dan berkesan adalah dengan membuat *live trade*. Beli saham guna duit dari poket sendiri. TAPI, sebelum itu, persediaan untuk melabur mesti ada dulu!

Kenalpasti arah pergerakan keseluruhan pasaran saham

Majoriti saham bergerak secara berkelompok. Kita akan nampak pergerakan kelompok saham ini daripada indeks pasaran Malaysia seperti FBMKLCI, FBM100, FBMSHA dan lain-lain. Jadi, dengan mengenalpasti arah pasaran secara keseluruhan, kita boleh mengelakkan dari membeli saham pada masa pasaran sedang lemah dan jual pada ketika pasaran menunjukkan tanda-tanda handak tenat.

Jadi, hadkan pembelian saham hanya pada ketika pasaran telah atau sedang menunjukkan trend upward dan sekali-kali jangan beli saham bila pasaran telah menunjukkan tanda-tanda downtrend.

Hampir mustahil untuk dapat untung apabila kita beli saham dalam keadaan pasaran dalam *downtrend*. Kalau ada pun untung, kebanyakannya disebabkan nasib. Kenapa kita nak bergantung

pada nasib? Kenapa tidak kita ikut saja keadaan pasaran masa nak beli saham? Beli pada ketika pasaran naik, ketika kebarangkalian untuk saham naik lebih tinggi? Kenapa masih juga nak beli saham bila pasaran jelas-jelas dalam *downtrend*? Jangan cari nahas!

Duit kita tu, kita perlu jaga betul-betul. Dalam bidang jual beli saham ini, duit menjadi aset kita. Macam pekedai runcit dengan barang-barangnya. Barang-barang yang ada dalam kedainya itulah aset-aset dia. Kalau aset tak ada, macam mana nak berniaga? Jadi, aset kita itu hanya perlu digunakan apabila keadaan dan suasana kedua-duanya memihak kepada kita. Dengan kata lain, JANGAN MENENTANG ARUS! Free-free je dapat penat, letih dan duit pun boleh hilang!

Kenalpasti saham-saham yang berpotensi

Jadi, bila kita sudah kenalpasti pasaran sedang dalam *uptrend* yang jelas dan nyata, langkah seterusnya untuk mencari saham yang berpotensi untuk naik. Walaupun pasaran sedang memihak kepada kita, bukan bermakna anda boleh pilih dan beli mana-mana saham yang anda **RASA** boleh naik! Tidak semestinya semua saham akan naik seiring dengan kenaikan pasaran. Ada saham yang naik dulu dan ada yang naik kemudian dan ada juga yang jatuh walaupun pasaran sedang naik!

Untuk memilih saham pastikan:

1. pasaran dalam *uptrend* yang jelas dan nyata, dan
2. saham keluar (*breakout*) daripada corak-corak carta saham (*stock chart pattern*) yang tertentu

Asasnya, pasaran saham digerakkan oleh *supply and demand law*. Jika permintaan meningkat harga saham akan naik, dan sebaliknya, jika permintaan turun, harga saham akan turut turun.


Setiap keputusan untuk beli atau jual dalam pasaran saham dipengaruhi oleh tingkah laku, perasaan dan emosi manusia. Sebab itulah, bila kita tengok carta saham, kita boleh lihat corak-corak tertentu yang sentiasa berulang-ulang sebelum saham bergerak naik atau turun.

Oleh sebab itu, dengan menganalisa carta saham dan mencari corak-corak tertentu atau *base* dalam saham tersebut, kita boleh menenalpasti dengan lebih awal, mana-mana saham yang baru hendak bergerak naik.

Kesimpulannya, *stock chart pattern* atau *base* merupakan satu bentuk plot dalam graf harga saham

yang menunjukkan corak-corak tertentu yang berulang-ulang, disebabkan pengaruh pelabur terhadap sesuatu saham itu, yang boleh dikenalpasti sebelum sesuatu saham itu meningkat naik.

Sebahagian daripada corak-corak carta saham yang sentiasa berulang saban masa adalah seperti *Cup with Handle (CwH)* dan *Flat base (FB)*.



Kenalpasti harga beli saham atau *breakout point*

Daripada analisa carta saham, kita boleh tentukan dimana harga beli saham atau *breakout point*. *Breakout point* adalah aras harga tertentu saham dimana, apabila diatasi atau dilepasi, kebarangkalian untuk saham itu naik, menjadi sangat tinggi.

Tetapi, jangan hanya beli bila saja saham melepasi *breakout point*. Anda kena pastikan *volume* harian saham semasa hari *breakout*, melepasi aras tertentu. Jika tidak, kemungkinan besar saham itu jatuh balik, adalah sangat besar.

Jadi asas utama dalam mencari dan membeli saham adalah:

1. *kenalpasti base tertentu dalam carta saham*
2. *kenalpasti harga beli saham (breakout point) sebelum ia bergerak naik*
3. *pastikan volume semasa breakout melepasi aras tertentu, dan*
4. *beli saham ketika ia bergerak melepasi harga yang kita telah tentukan*

Tujuan sebenar kita bukanlah untuk membeli pada harga terendah. Salah satu sebabnya untuk tidak membeli pada aras terendah adalah kerana kita tidak tahu berapa jauh saham akan jatuh. Saham perlu diberi peluang untuk membuktikan yang ia masih ada kekuatan. Selepas perkara itu terbukti, barulah kita masuk pasaran dengan membeli saham terbabit.

Tetapkan risiko (kerugian) yang sanggup anda terima

Ini adalah perkara yang paling sukar buat semua orang, samaada bagi orang yang sudah pro atau amatur dalam bidang saham ini. Dalam membuat keputusan untuk jual mana-mana saham, emosi dan perasaan seseorang pelabur akan jadi lebih menekan. Majoriti pelabur akan menjual berdasarkan emosi atau perasaan mereka seperti, takut harga akan jatuh balik atau terpengaruh dengan desakan atau pengaruh pelabur lain.

Pertama-tama sekali selepas kita membeli saham, tetapkan harga dimana kita perlu jual saham apabila saham bergerak bertentangan dengan *expectation* kita. Dengan kata lain, pada harga apa saham perlu dijual apabila saham mula menunjukkan kerugian? **TETAPKAN RISIKO KERUGIAN YANG KITA SANGGUP TERIMA!**

***Kebiasaannya, saham perlu dijual apabila saham jatuh 8% di bawah harga belian kita.
Semudah itu sahaja!***

Tetapi kaedah menghadkan kerugian ini merupakan kaedah yang PALING susah nak diterapkan dalam sanubari setiap pelabur. Terutamanya pelabur yang menganggap dirinya pelabur jangka masa panjang. Mereka hampir langsung tidak memetapkan tahap kerugian yang boleh mereka terima.

Rasionalnya, menetapkan kerugian maksima sebanyak 8% di bawah harga beli saham adalah kerana apabila saham bergerak pada arah bertentangan (turun):

1. kita tidak tahu sejauh mana dan berapa lama saham akan jatuh dan dengan menjual kita masih boleh membeli kembali saham itu bila ia naik
2. kita dapat pastikan yang duit (aset) kita sentiasa ada, dan bersedia untuk berpindah/membeli saham lain yang berpotensi
3. *at least*, kerugian yang kita alami, dapat mengingatkan kita tentang kesilapan-kesilapan yang tak sepatutnya kita buat
4. kerugian itu boleh dianggap sebagai bayaran *premium* insuran atau yuran pembelajaran

dalam bidang saham

Kita akan sentiasa dibelenggu dengan kesilapan-kesilapan. Itu sudah menjadi lumrah apabila berkecimpung dalam bidang saham ini. Majoriti daripada urusanniaga yang kita akan jalankan akan menunjukkan kerugian. Hanya sedikit yang menunjukkan keuntungan. Dengan kaedah menghadkan kerugian hanya pada 8% di bawah harga belian, kita dapat pastikan setiap kerugian itu adalah kerugian-kerugian kecil, yang tidak dapat menggugat usaha kita samaada dari segi psikologi atau kewangan untuk terus mengurusniaga dalam saham.

Jual saham untuk mendapatkan keuntungan

Apabila saham telah naik jauh, sebagai contoh 20% daripada aras yang kita beli, saham perlu dijual apabila keadaan pasaran secara keseluruhan menunjukkan tanda-tanda kelemahan. Apabila pasaran telah naik dalam tempoh masa yang lama, akan tiba masanya pasaran akan mengalami *downtrend*. Cuma bila masa ia berlaku yang menjadi tanda tanya. Tapi sumber tanda-tanda kelemahan pasaran bukan dari apa yang kita dapat melalui berita-berita TV atau kita berita yang dibaca dari internet. Tapi tanda-tanda kelemahan pasaran akan kita dapat melalui isyarat-isyarat yang ditunjukkan oleh carta indeks (FBMKLCI, FBMEMAS, FBM100, dll). Dengan menterjemahkan pergerakan carta indeks pasaran, setiap pergerakan turun naik pasaran dapat kita tentukan sebelum terlambat.

Apa yang perlu kita buat adalah untuk menjual saham sebaik sahaja pasaran menunjukkan tanda-tanda awal kelemahan, walaupun masih ramai di kalangan pelabur masih kekal dengan tanggapan yang pasaran masih kukuh. Dalam pasaran saham ini, perkara yang bertentangan akan berlaku. Apabila majoriti pelabur hingga kepada orang ramai mengatakan yang pasaran berada dalam keadaan yang sangat baik dan beranggapan *downtrend* pasaran masih jauh lagi, AWAS! Bila itu berlaku, pasaran telah berada hampir kepada kemuncaknya!

Saham perlu kita jual sebaik-baiknya pada masa pasaran masih naik dan masih ada orang yang mampu beli saham kita. Perkara yang paling susah adalah apabila kita hendak jual saham apabila pasaran telah jatuh dan majoriti pelabur menjual saham. Dalam keadaan itu, amat susah untuk mencari pembeli dan biasanya kita hanya dapat jual apabila harga saham telah jatuh jauh daripada puncaknya.

Jadi, seboleh-bolehnya elakkan daripada menjual bila pasaran sedang jatuh dan pastikan seboleh-bolehnya saham dijual apabila pasaran masih kukuh DIMATA KEBANYAKAN

PELABUR DAN ORANG RAMAI!

Elakkan daripada cuba menjual pada aras saham berada pada kemuncaknya. Usaha itu hampir mustahil untuk dicuba. Tiada kaedah melabur yang boleh menetapkan harga jualan saham tepat pada kemuncaknya. Jadi, jangan sekali-kali cuba untuk berbuat demikian. Jual apabila saham menunjukkan isyarat jualan dan terus lupakan saham terbabit selepas dijual kecuali saham itu naik kembali pada harga belian yang lain.

KAEDAH SISTEMATIK MELABUR DALAM PASARAN SAHAM

Saya harap penerangan ringkas di atas tentang panduan asas melabur secara berkesan dalam pasaran saham dapat membuka minda anda tentang bagaimana hendak melabur dalam pasaran saham. Masalah kebanyakan pelabur adalah mereka tiada teknik yang betul-betul berkesan untuk keluar masuk dalam pasaran saham. Mereka terus terjun tanpa ada apa-apa persediaan rapi tentang cara bagaimana hendak menganalisa pasaran saham, mencari saham berpotensi, membeli pada harga tertentu dan menjual saham apabila sampai masa yang sepatutnya.

Secara ringkasnya, apa yang diperlukan oleh setiap pelabur adalah:

1. kebolehan untuk menentukan arah pergerakan pasaran, samaada turun atau naik
2. kebolehan untuk membaca dan mengenalpasti carta saham berpotensi
3. kebolehan untuk menentukan bila saham perlu dibeli dan bila saham perlu dijual
4. kawalan emosi yang berkesan dalam setiap urusan jualbeli saham
5. persediaan harian yang kukuh setiap kali hendak menjalankan urusan saham, dan
6. rutin harian yang berkesan

Ebook saya mengandungi kesemua perkara-perkara yang disebutkan di atas. Malah, semuanya diringkaskan menjadi hanya 3 langkah penting yang mudah diingat. Ia juga mengandungi rutin harian saya yang anda boleh jadikan panduan bagi merangka rutin anda sendiri. Jika anda mahukan maklumat lanjut, silalah ke:

<http://www.sistemsaham.com>

Dalam keadaan dunia yang tiada batasan sekarang, *information overload* merupakan satu halangan kepada setiap orang yang handak berjaya dalam apa-apa bidang sekalipun. Banyak maklumat yang boleh kita dapat daripada internet berkenaan satu-satu bidang. Tapi masalahnya , bagaimana nak tahu mana satu yang berguna dan mana satu yang hanya menyemakkan minda kita. Ebook ini mengandungi kaedah-kaedah yang berkesan untuk meningkatkan keuntungan dalam pasaran saham berdasarkan pengalaman dan pembelajaran saya. Satu hal yang pasti, kita tidak akan tahu yang sesuatu itu sesuai dengan diri kita jika kita mencubanya. Jadikan ini sebagai satu langkah permulaan anda untuk berjaya dalam bidang ini.

Untuk mengetahui lebih lanjut berkenaan 3 langkah penting dalam setiap urusaniaga saham, sila ke laman web ini:

<http://www.sistemsaham.com>